

四庫全書

史部

欽定四庫全書

延祐四明志卷九

元 袁桷 撰

闕

欽定四庫全書

延祐四明志卷十

元 袁桷 撰

關

欽定四庫全書

延祐四明志卷十一

元 袁桷 撰

關

欽定四庫全書

史部

延祐四明志卷十三

詳校官編修

臣

曹振鏞

檢討

臣

德生覆勘

總校官編修

臣

王燕緒

校對官中書

臣

郭晉

謄錄監生

臣

范葵

欽定四庫全書

延祐四明志卷十二

元 袁桷 撰

賦役考

人民之數年歲不同三年大比稽諸史不誣也貢賦有恒貧富循環而田制莫有改取力於民始蠲其租曰竈戶曰水馬戶弓手戶圭田無徃以養官也寺觀免租限以統一世祖皇帝之仁政也因田以為役高下莫定其

金匱要略卷十二
可稽者曰弓兵獄卒衙前作賦役考

田土

本路總計二萬一千一百六十九頃三十畝一分八釐
六毫係皇慶元年計撥數

官田二千七百頃四畝四分二釐八毫四絲四忽
民田一萬八千四百六十九頃二十五畝七分五釐
七毫五絲六忽

鄆縣四千三百七十三頃八十一畝一分二釐

官田五百二十六頃六十一畝四釐七毫一絲六微
六塵

民田三千八百四十七頃二十畝七釐二毫九絲
奉化州四千九百四十八頃三十一畝八分四釐四毫
七絲五忽

官田六百三十頃一十七畝二分一釐四毫

民田四千三百一十八頃一十四畝六分三釐七絲
五忽

昌國州一千五百一頃一十九畝一分一釐八毫

官田三百一十三頃八畝七分三釐

民田一千一百八十八頃一十畝二分八釐八毫

慈溪縣四千六百一十六頃四十四畝五毫一絲七忽

官田一百九十六頃四十四畝五毫一絲七忽

民田四千四百一十九頃八十五畝一分二釐二毫

九絲四忽

定海縣三千八百三十九頃一畝五分五釐二毫八忽

三微四塵

官田四百一十四頃六十二畝一釐一絲

民田三千四百二十四頃三十九畝五分四釐一毫
九絲八忽三微四塵

象山縣一千八百九十頃五十二畝五分

官田六百一十八頃九十六畝五分

民田一千二百七十一頃五十六畝

甯戶田八百三十九頃八十二畝六分四毫四絲九忽

官田四十二頃五十畝五分五釐五毫三絲三忽六微六塵

民田七百九十七頃三十二畝四釐九毫一絲五忽三微七塵

僧道田

僧寺田一千三百二十八頃六十一畝九分一釐七毫

道觀田五十八頃九十四畝九分七釐六毫

驛戶田

馬驛戶民田四百六十一頃九十七畝七分七釐七毫

水驛戶民田八十二頃九十二畝三分

職田標撥各官九十九頃三十九畝五分

各處舊有成熟田九十一頃八十六畝三分五釐

荒閒田七頃五十三畝一分五釐

兵

本路各州司縣該設六百三十名至元二十二年五月
內承奉省劄仰於見納稅三石以下一石以上丁多戶
內差撥

錄事司額設二十五名

鄆縣該設六十五名

尉司二十五名

大嵩巡檢司二十名

小溪巡檢司二十名

奉化州該設一百四十五名

捕盜司二十五名

連山巡檢司二十名

公塘巡檢司二十名

鮎埼巡檢司二十名

珊墟巡檢司二十名

東宿巡檢司二十名

田下巡檢司二十名

昌國州該設一百六十名

捕盜司三十名

岑江巡檢司二十名

岱山巡檢司三十名

螺頭巡檢司三十名

北界巡檢司三十名

三姑巡檢司二十名

慈溪縣該設六十五名

尉司二十五名

鳴鶴巡檢司二十名

丈亭巡檢司二十名

定海縣該設一百五名

尉司二十五名

白峯巡檢司二十名

管界巡檢司二十名

施公山巡檢司二十名

海內巡檢司二十名

象山縣該設六十五名

尉司二十五名

東門巡檢司二十名

箭門巡檢司二十名

獄卒

本路各州司縣該設四十三名至元二十二年十月內承奉省劄仰於苗糧一名以下五斗之上戶內差撥

司獄司該設一十五名

錄事司該設三名

鄞縣該設五名

奉化州該設四名

昌國州該設四名

慈溪縣該設四名

定海縣該設四名

象山縣該設四名

衙前祇候曳刺

本路各州司縣該設一百三十四名至元二十二年十月內奉省劄仰於苗糧一名以下五斗之上戶內差撥本路祇候該設四十名

經歷司曳刺一十名

錄事司祇候該設一十名

鄆縣祇候該設一十二名

奉化州該設祇候一十二名曳刺四名

昌國州該設祗候一十二名曳刺四名

慈溪縣祗候該設一十名

定海縣祗候該設一十名

象山縣祗候該設一十名

秋糧實徵

總計糧米一十三萬五百五十二石一斗八升四合鈔
中統一百三十六錠一十一兩六錢三分七釐

官田糧米四萬八千七十五石六斗五升六合鈔一

百三十二錠四十六兩八錢二分七釐

民田糧米八萬二千四百七十三石五斗二升八合
元科米六萬八千七百二十七石九斗三升九合五
勺添科米一萬三千七百四十五石五斗八升八合
五勺鈔三兩五錢五分房屋租錢中統鈔三錠一十
一兩二錢六分官牛糧米三石

奉化州實徵糧米一萬三千五百一十八石九斗八升
五勺鈔五十五錠二十一兩六錢五分五釐

官田糧米一千二百五十五石一斗四升五合五勺
鈔五十五錠一十七兩六錢五分五釐

民田糧米一萬二千二百六十石八斗三升五合元
科一萬二百一十七石三斗六升二合五勺添料二
千四十三石四斗七升二合五勺房屋租錢中統鈔
四兩官牛糧米三石

昌國州實徵糧米四千六百七十六石四斗六升六合
鈔一十定三十五兩九錢八分

官田糧米一千四百九十二石六斗二升二合鈔一
十錠二十一兩五錢八分

民田糧米三千一百八十三石八斗四升四合元科
二千六百五十三石二斗三合五勺添科五百三十
石六斗四升五勺房屋租錢中統鈔一十四兩四錢
鄧縣實徵糧米六萬五千四百八十五石三斗五升一
合五勺鈔二十七錠二十八兩九錢八分五釐

官田糧米三萬五千一百三十九石九斗九升三合

鈔二十六錠三十一兩二錢三分五釐

民田糧米三萬三百四十五石三斗五升八合五勺
元科二萬五千二百八十七石七斗九升八合五勺
添科五千五十七石五斗六升鈔三兩五錠五分房
屋租錢中統鈔四十四兩二錢

慈溪縣實徵糧米二萬五千九十一石一斗九升五合
五勺鈔中統四錠二十七兩四錢五分

官田糧米七千一十四石三斗九升六合五勺鈔四

錠二十七兩四錢五分

民田糧米一萬八千七十六石七斗九升九合元科
一萬五千六十三石九斗九升九合添料三千一十
二石八斗

定海縣實徵糧米一萬七千四百二十六石九斗四升
八合五勺鈔一十五錠四十五兩七錢三分七釐

官田糧米一千八百八十八石九升六合鈔一十五
錠四十五兩七錢三分七釐

民田糧米一萬五千五百三十八石八斗五升二合
五勺元科一萬二千九百四十九石四升三合五勺
添科二千五百八十九石八斗九合

象山縣實徵糧米四千三百五十三石二斗四升二合
鈔一十四錠四十二兩三錢二分

官田糧米一千二百八十五石四斗三合鈔一十四
錠四十二兩三錢二分

民田糧米三千六十七石八斗三升九合元科二千

五百五十六石五斗三升二合五勺添科五百五十
一石三斗六合五勺

錄事司實徵鈔七錠九兩五錢一分係官地租錢五錠
一十兩八錢五分房屋租錢一錠四十八兩六錢六分
夏稅依驗糧額科徵每民苗米一石帶科中統鈔三兩
總計鈔中統四千二百九十八錠一十九兩五錢九分
六釐

奉化州鈔六百四十四錠二十三兩六錢五分四釐

昌國州鈔一百五十九錠二十七兩九錢二釐

鄞縣鈔一千六百六錠三十二兩七錢一分五釐

慈溪縣鈔九百四十錠一兩三錢九分一釐

定海縣鈔七百九十四錠一十四兩三錢三分三釐

象山縣鈔一百五十三錠一十九兩六錢一釐

稅課週歲該辦

總計鈔中統鈔六千二百一錠二十兩九分三釐

在城務鈔四千四百三十八錠二十三兩四錢四分七

釐

定海縣務鈔七百八十五錠二十六兩二錢五分

奉化州務鈔五百四十五錠八兩

慈溪縣務鈔二百一十六錠七錢五分

象山縣務鈔一百一十二錠二十四兩五錢

昌國州務鈔一百三錠三十七兩一錢四分六釐官降

契本發下稅務銷用每本收中統鈔一兩五錢另項作

數解官

酒醋課週歲該辦

總計鈔中統四千八百五十一錠三十六兩八錢八分
八釐

錄事司鈔一千五百二十二錠一兩四錢八釐

鄞縣鈔一千四百三十二錠四十六兩九錢六分

奉化州鈔七百一錠二十四兩五錢六分

慈溪縣鈔五百三十七錠一十一兩八錢八分

定海縣鈔四百六十錠一兩

昌國州鈔一百一錠四十九兩八錢八分

象山縣鈔九十六錠一兩二錢

茶課歲週該辦

總計鈔四十錠七兩五錢一分

鄞縣鈔一十一錠二十兩六錢八分

昌國州鈔三錠五兩六錢四分

象山縣鈔三錠五兩六錢四分

慈溪縣鈔一十錠一十八兩八錢八釐

奉化州鈔九錠一兩三分二釐

定海縣鈔三錠五兩七錢一分

鐵冶課

奉化州歲辦鈔中統二錠

鹽課

本路合屬鹽場週歲額煎鹽數總計歲煎實辦

鄞縣大嵩場元額鹽五千九百八十八引一百七十四
斤一兩九錢二分因饑荒見辦二千八百九十五引三

百七十八斤一兩五錢一分

昌國州正監場元額鹽六千三百六十一引三百六十
九斤除逃亡外實辦六千二百一十六引三十二斤岱
山場額辦鹽七千五百一十八斤蘆花場額辦鹽六千
八百七十一引

慈溪縣鳴鶴場額辦鹽二萬八千引

定海縣清泉場額辦鹽七千三百三十七引穿山場額
辦鹽七千二百九十二引三百四斤龍頭場額辦鹽六

千七百三十五引長山場額辦鹽八千四百八十三引
象山縣玉泉場額辦鹽九千三百四十三引

本路合屬州司縣週歲額辦食鹽場

總計歲辦二萬一千二百六十六引一百六十四斤一
十四兩二錢五分

錄事司一千五百一十六引一百九十二斤一十一兩
四錢八分

奉化州五千二百九十七引一百八十六斤一十二兩

五錢五分六釐

鄞縣三千七百六十四引二百四十六斤四兩九錢

定海縣二千七百一十三引七斤五兩一錢五分

慈溪縣四千四百九十二引二百九十八斤一十五兩

一錢

昌國州二千一百一十二引一百三十八斤一十一兩

八錢六分四釐

象山縣一千三百六十九引二百九十四斤一兩二錢

織染週歲額辦

總計段疋三千二百九十一段俱係陸托

紵絲一千七百二十六段暗花八百六十二段素八百六十四段枯竹褐四百八十四段捍草褐一百八十九段駝褐二百五十二段藍青一百二十八段棗紅二百二十四段鴉青二百二十四段明綠二百二十五段絲紬一千五百六十五段胷背三百一十三段斜紋一千二百五十二段枯竹褐一百一十七段

馳褐一百六十段棗紅六百一十五段鴉青三百九十六段明綠一百一十八段橡子竹褐一百五十九段

雜造軍器週歲額辦

總計軍器一百七十五副

人甲一百五副紫真皮盔甲袋全黑漆羅圈鐵甲八十八副四巴水牛皮甲一十七副黑漆甲五副朱紅甲四副綠油甲四副雄黃甲四副手刀一百一十五

口黑漆木鞘靶全弓袋箭葫蘆雜帶皂真皮弓袋五
十五副水牛皮箭葫蘆五十五箇皂真皮雜帶五十
五條

皮貨額辦

總計貉皮三千七十六張狸皮二十張

鄞縣貉皮額辦一千五百一十張

奉化州貉皮額辦五百五十九張因饑荒捕戶逃亡見

辦四百一十張

昌國州狸皮額辦二十張

慈溪縣貉皮額辦一千三張

定海縣貉皮額辦一百二十張因饑荒實辦七十五張

象山縣貉皮額辦七十八張

沙魚皮

本路額辦一百六十三張

奉化州額辦二十七張

昌國州額辦九十四張

定海縣額辦四十二張

魚鰾

本路額辦二百斤

奉化州額辦四十斤

昌國州額辦八十斤

定海縣額辦四十斤

象山縣額辦四十斤

延祐四明志卷十二

欽定四庫全書

延祐四明志卷十三

元 袁桷 撰

學校考

家塾黨庠廢所來久矣文翁立博士弟子後世規制深
髣之宋用隋唐法取士率出於學校法雖有弊賢德碩
輔皆繇是出世祖皇帝平海寓首復儒役諄諄然勸勉
至矣先帝崇文尚儒慨然復立科舉學者宜益自奮勵

郡學教養昔論以四明為先今而日游情抑盛衰使然
歟觀昔時得人之盛見於科目皇朝建蒙古學復立醫
學陰陽學凡四學作學校考

本路蒙古學

學在西南隅倉橋側至元二十九年命天下州郡立學
大德十年草創于茲以肄業廬猶未完

瞻學田土

學官

教授一員 學正一員

奉化州蒙古學

學官

學正一員

本路儒學

開元二十六年四明始治州學寶應廣德間州燬于袁
晁之亂貞元四年王沐始建夫子廟太和七年于季友
以開元褒封文宣王冊文刻石天禧二年李夷庚移學

于城之東建炎兵燬先聖殿獨存郡人林暉首捐金錢數十萬紹興七年仇愈卒成後為明倫堂東齋曰上達廣譽造道西齋曰登賢成已時升十九年徐琛即明倫堂之後建稽古堂堂之上舊有五經閣閣毀經亡後以藏宋御書岳甫守郡復置成德齋後以置養正齋皇朝至元十九年火僅存外門二十九年本道廉訪副使陳祥即閣基立尊經閣有記二十年鄉之儒士袁力新明倫堂至大二年舊殿以民居為之弗稱副使趙宏偉勸

士重建有記復新儀門泮水東教授吳宗彥建賓序養蒙堂在廊東史復伯吳宗彥等建

先賢祠堂舊有五先生祠

揚杜王樓王

後增陳忠肅公豐清

敏高獻簡林侍郎

係

汪尚書

大猷

復增郡守六人

李夷庚仇愈汪

伯圭岳甫

教授一人

周粹中

淳祐中顏頤仲復祠張宣公

程章趙師

呂成公陸文安舒文靖沈端憲楊文元袁正獻是後立祠冗雜今不復著而九先生祠迄不敢廢王尚書應麟始立傳為記以奉聖旨崇祀復設二亭在外門東西公

厨土祠廳舍凡學所當備具者畧弗書射圃以宋孝宗
頒射義魏王判郡立今為教授廳

重建州學記

李瑣

四明據會稽之東抱負滄海枕山臂江重阜崇嶺連亘
數千里其浸不淫於海而瀦以為湖山川之勝雄傑茂
異所以人材英拔比他郡為甲至於後進縫掖往往氷
玉秀整廉利好學蓋自祖宗以來名公碩儒文詞為諸
儒倡者縉紳至今誦之郡舊有學制度甚偉建炎之禍

鞠為茂草而先聖之殿僅存扶持傾欹不庇風雨荒榛斷址使人愴然懷舊而悲焉今新昌石君延慶光錫學問淵博連中三科四方望風欽矚願執經席下以丐餘論紹興五年實掌是邦之教事居無費舍食無粱肉水火器皿之用凡百不備學者猶且負笈而來棲於敗屋之下弦誦之聲不絕蓋其風氣好學如此會太守仇公以次對出鎮恭致天子崇儒右文之意歲時嚴奉牲幣盛服搢笏祠於庭下將事既畢延見諸生酌以酒醴每

病餽廩不給以為公私之患明年政成迺斥公帑百六十萬又丐於耆舊鄉老得錢八十萬始並賦入助其供給復以估榷廢村瓦木竹秆凡十萬九千六百有奇並以調度之餘四百萬錢以為梓匠丹堊之費初立重門兩序敞其後以為講議之堂蓋其東以為庖湍之舍開閭深麗翼飛瓦聳神位像設籩豆俎簋煥爛一新於是頤宮之制具體克備既落成率諸生行舍奠之禮是日鼓舞歌詠莫不稱頌仇公之德又以石君超詣之材屑

於細故針抽縷積以至於斯也竊嘗謂古者有國有鄉
必立學校蓋非苟然而已以為君子之居而禮義之所
從出也為諸侯者於此乎受成遣師以服遠人為大夫
者於此乎遊燕休息以議政事執政者又從而究其言
善否因以改行下至游士胄子編戶庶民莫不雍容進
退於斯講求先王之道皆得興於禮義及其秀傑穎脫
則又論而升之俾之為天下政事之臣此所以學校官
府初無二體而三代之上家塾黨庠遂序國學如是之

設也後世先王之道不明武吏以殺伐暴悍為能文吏以簿書期會為重其間深文刻害便法自營者則悠悠之談指為廉正怙其鷙忍以投時好如蟲食木中傷敗冲氣卒至穿穴侵漏與本俱傾而莫之知也大抵自漢而下承暴秦之緒維持固結之道一切主於法令刼持天下使不能去無復父子君臣之愛一旦潰敗不可鈐握誠以平昔用法便文之積也今承漢唐之後去古益遠為吏者視斯民如仇讎居官者指公府如傳舍朝夕

從事米鹽錐刀之末為治之道追胥箕歛耳非復有文學禮義之說也至尊憂勤於上隆師重傅以明先王之道而六經之旨不行於士大夫之間處心積慮官遷留滯而止士之游於庠序者截決經史取青婉白以待有司之問更相告語惟恐趨赴功名之後此道之所以不明而先王之道幾於熄也如是而望風俗之醇厚億兆之孝悌忠信難矣郡之有學始曰禮義而先王遺風餘訓標準在是為政者尚指以為不急之務亦已甚矣四

明環地千里浮屠老子之宮無慮數百區窮極土木以
享王侯之奉然以州郡之力學校之事求數十楹以庇
其徒而艱難勤勩積歲十數不克有成良可歎也今仇
公適丁搶攘之際撫臨一方未及報政而公私便利風
化醇厚無厨傳過客之事而有恭儉率循之益為善者
有所恃而不懼姦宄小人知所畏憚而不敢自肆是以
風颿海舶夷裔越賈利原懋化紛至還來波濤訾伏山
谷休靖盲風怪雨不敢輒作迺能於此之時以其餘力

及於學校養育人材用異時興起太平之資其所以忠
於國家惠其儔類之意深矣又能斥其帑藏之積勉勵
郡寮上下協同以致登茲其用心可謂知所先後不忘
其本者哉雖然善始者未必善終能作者未必能述今
公於此可謂勤矣若夫因卑為高積微至著日增月益
以至熙盛則又有待於後世君子賡繼存愛之而已此
則仇公之意亦郡人所望於來者也故併書之以告紹
興七年冬閏十月甲申謹記

重修州學記

鄭耕老

國朝慶厯中詔天下皆立學按唐貞觀詔州縣作孔子廟四明學區暨建炎火于兵僅存先聖祠貌有斷碣三考唐開元封文宣王太和始立石紀所封遺裂廟經寇毀貞元四年刺史瑯琊公重建刊石文有追贊明王者太和四年修廟六年亦誌于石今登科記述天禧中李侯夷庚崇庠序父老傳移學于州治東北即李也邈乎罔究經始之日至改作續修竟與正觀慶厯相先後紹

興七年郡將仇公徽學憫建炎之厄乃建門結堂翼以
齋館蕩穢披榛未遑宏固更二三紀新故等敝耕老
典教具聞于府使君趙公閣學力欲興之未及而去越
明年直閣張公下車復疏曲折以請公嗜學樂儒隨假
之資鳩匠市材惟恐後蠹者撤之橈者易之傾墁罅蓋
翻欄植有儼其新使人生敬以乾道三年六月辛巳始
事閱月既望訖工率諸生釋菜安奉晬容畢禮歷階升
堂行揖遜講中庸申以類水士儒勸喜芹添生春耕老

職過事不敢不謹書以詔將來云謹記

重建大成殿記

王應麟

天子初郊見之歲法駕視學謁款先聖濟曾子子思侑
饗建首善風四方罔不丕式彝訓越再歲吏部尚書洪
公燾以敷文閣學士來牧四明秋舍奠于學顧瞻禮殿
梁棟彫剝喟然曰大哉聖人之道於穆不已惠我無彊
矧東漸于海遠邇洙泗簪紱之盛擬鄒魯職在宣化弗
惟道原是崇曷克稱明詔若稽郡乘舊夫子廟肇自唐

貞元四年至今四百八十餘年矣元氣回復理若有待
明年實咸淳紀號之六年迺鳩工飭材而鼎新之穹棟
碩楹與樂嚴敞視昔有加焉某月日虔宴用幣衿佩雲
集相與端拜而議曰吾邦自慶厯諸老淑艾後進乾淳
大儒闡繹正學孝悌修於家而仁遜興德齒讓於鄉而
風俗厚理義明於心而賢才盛善信充於已而事業顯
成我者夫子也聖天子立教于上而夫子之道益尊
賢師迪教于下而夫子之道益彰夫道者治之本其功

與天地並世之言治者謂古道不可以御今先政刑後教化道寢微而俗滋薄眇覲天衷民彝之統紀急衆人
之所緩可謂知本歟昔魯僖公能修泮宮威德所被至
于海邦夫子列其詩於頌而先儒傳春秋則曰學校為
國之先務雖用民力不可廢也故不與新作南門概書
之策今公茲舉合詩春秋之義豐道扶教作新數百年
幾墜之緒盛德至善百世不忘也於是郡博士請書成
事于石應麟世家于鄞幸得從先生長者後升堂聞金

石之音入宮牆而見宗廟之美惟遊於聖人之門者難
為言曷敢贊一辭竊嘗聞之論語始之以君子終之以
君子學者所以學為君子也凡我同志服膺聖訓陟降
庭止昭假不違上以承天子之休德下以篤師帥之善
教罔俾克廣德心專美魯之多士尚其懋哉朝奉大夫
秘閣修撰新知徽州王應麟記

重建學記

王應麟

四明自唐為州始為夫子廟宋始建學規模豐敞棟宇

穹崇庠聲序音冠于左浙英俊之域絃冕所興文獻蓋
彬彬矣至元十九年春學燬于融風教授潘夢桂黃裳
吳宗彥史復伯歷載繕葺經始禮殿門廡齋舍寢以畧
具講堂有席養蒙有堂皆草創未就二十八年冬肅政
廉訪副使陳公祥下車謂博士諸生曰化民成俗勸學
為先嘗聞疇昔輪奐之盛意不止是盍飭工掄材以復
舊觀顧儀門庫隘弗稱從祀容服弗嚴越明年夏鼎新
高明賁飾貌像六旬而畢二堂亦告成又惟斯文與天

地並立華榱岑樓式慈厥藏因重建尊經閣五楹里士
忻然競助教授蘇君焱搏約學廩續其不給秋九月閣
成巖峨壯偉衿佩聳瞻咸曰六經如日月陟降庭止惠
我光明恢人文以迪化原維賢使者之德請識成事於
石維諸侯之學載於禮詳矣在易臨之象曰君子以教
思無窮澤上有地猶君子之近民也近民則禮達而教
行建其教立其監有師保之義凡以存天理淑人心而
己矧是邦為詩書之鄉逸民之黃純孝之董文士之任

自漢以來為美談慶厯諸老模範後進淳熙大儒闡明
正學惟聖賢是式惟德性是尊小而灑掃應對大而格
物致知目濡耳染充然有得每歲孟春衣冠濟濟齒位
秩秩司徒之教倫黨正之禮飲流風遺俗猶存未墜南
豐曾公忠肅陳公繼為守貳表率薰陶東諸侯莫逮焉
春秋大復古學之復道之泰也不農不工何以謂之士
非老非釋何以謂之儒行已有恥尚志仁義士之廣也
為君子儒夙夜彊學以待問儒之實也游於斯義於斯

盡亦踐其實副其名乎郡國有學昉於漢二千石所察
惟曰好文學敬長上肅政教順鄉里三代考行之意藹
如也因作新之機而日新其德業孝悌忠信為根本明
誠敬義為準的始于離經辨志成于知類通達用仰承
菁莪樂育之仁不在茲時歟昔魯僖公能修泮宮教澤
浹乎海邦其俗秉周禮守經學一變至道聖人稱之誰
謂魯遠道無古今師友淵源緒接洙泗頌其詩尚論古
之人罔俾克廣德心專美魯之多士凡我同志懋敬哉

歐陽子有言善教者以不倦之意須遲久之功禮行俗純然後為學之成迺紀其始成以詔永久俾無怠

大成殿記

任仲高

聖天子即位首崇學校務作養人材以備選擇德至渥也海內士莫不感激思奮期以奉明詔惟四明古名郡夫子廟學甲東浙壬午既燬有損所居堂以為殿見為庠隘復不以時修葺凜乎其若壓至大己酉夏六月廉訪副使趙公宏偉慮因實來環顧歎息上方嚮用儒術

世隆加封之典而廟祀弗稱非使人昭尊事宣教化此
固吾職與教授蘇君壇謀督租入搏用費學官輸俸諸
生輟供儒人之在籍者助有差龜吉考度鳩匠庀工物
直相得而木石川流地效其良勞佚惟均而丁夫雲集
人盡其心羣材既豐衆作咸秩初梓人以圖上一如公
指授毋襲前陋毋侈後觀崇賢去浮予以示教視前高
一尋前廡之廣半之既禮行而周旋有餘地樂作而縣
設有定所匪亟匪徐有嚴有翼閭麗靚深悉遵禮制法

宮既正爰及黌宇藏書有閣肄業有齋講堂數十楹周垣數百尺棟屋之橈壞瓴甓之殘缺丹堊之漫漶或易而新或因而理勿為苟完以植永固萬目聳瞻於前烈有光焉既告成功我公莅止祇謁薦誠用答嘉貺乃揖長老招諸生而進之曰庠序之設古今攸重非直為觀美也盍知所以為學乎學者合內外之道自謂開物成務而無本則非治自謂窮理盡性而無用則非學本諸心體諸身徵諸庶民堯舜行此道千載而上所以為唐

虞夫子明此道千載而下可以為堯舜布在方策炳如日星學者所宜用力于此有閣傑然高明廣大尚友古人毋使簡編之富徒資蠹蝕也有齋廓然歲修游息相與琢磨毋使羣居之樂適滋玩愒也有堂巍然正席而講環坐而聽毋為口說之勝而耳學之淺也由是得其門而入見宗廟之美百官之富源深流長器大用宏窮而其志足以有守達而其材可以有為忠信之行漸被鄉閭詩書之化陶冶萬物立太平之基垂無窮之聞此

夫子之道學者之事實聖朝加惠學校之至意也僉曰
謹受教願刻之石以詗來學且識其顛末云公通古今
知所先後嘗有德于湖湘之民退而以道自娛樂者十
年上謂是足司吾風憲者問學以明理為宗政事以敦
化為要蓋有本者如是是役經始至大二年十月庚申
越明年三月丁未乃備先年營董之責者非一奉化州
判官程時敏實竟其事以材選教授蘇君承積弛之餘
以職業受知成此駿舉亦克世其家者皆不可以無紀

九先生祠堂記

王應麟

古之鄉先生祭于社近世祠于學社所以養學所以教而教之功尤大秉彝好學之良心百世猶旦暮況其邇者乎頌其詩讀其書尚友古之人非一鄉之望也天下之望也四明鄉先生有九人焉宋慶厯建學之初楊杜二王樓公以道德文行師表後進或授業鄉校或講道間塾衣冠文獻益盛以大五先生之功也淳熙之沈楊袁鄭諸公以尊德性求放心為根本闡繹經訓躬行實踐

學者知操存持養以入聖賢之域四先生之功也郡泮
舊有祠因鬱攸之廢至元甲午季冬朔旦廉訪使者狄
公桂屬郡博士戴君友始復愍祀觀者興起元貞丙申
月正元日廉訪使者完顏公貞至學宮謂祠宇陋陋未
稱相攸尊經閣之右規模一新府牧月列公提其綱帥
屬協力庀事以迄有成妥侑如禮多士訢訢周爰咨諏
章善扶教以穀我子弟惟二使者之賜亦惟承流宣化
之賢立師道以美風俗皆宜書凡我同志盍亦修孝悌

忠信尚禮義廉恥學必正大學必篤敬式時前哲訓用
對作新之盛德可不懋歟

重修先聖廟記

袁桐

河南郭侯視郡事之初首定役法郡民日困釐事旬月
按覈數常不登郭侯知其奸利迺言曰病在私商潛轉
輸其所贏餘卒不入公籍民病不可藥也於是罷賈區
分四廂俾總之鱣鱣鼓脯各趨其時視計口之授畧相
等復踈然曰吾職司學校茲曷可少緩督大小學謹授

業斥其偽冒以其餘粟大修孔子廟於是進郡博士陸
晉之學正錄胡禾毛明德而言曰漢文翁立學歷唐宋
幾二千年猶完綴君等知其故乎少間曰教在不墜其
不廢在繕修迺曰若殿若儀門風雨剝圯在丹雘先聖
崇嚴列祀肅雖在作繪定章服在禮象又曰講有書堂
有樓吾亦曷敢後姑徐徐為之吾願俾是邦服習仁義
秀文林立遣詣王廟將自茲始楠由禁署歸里凡三年
愛中和樂職之詩首為詩以詠贊侯名郁字文卿所至

官以興學為本詩曰茫茫海甸聿仁義邦主組績榮失
其敦龐歲亦云徂夸侈則降維侯之來靡瘼不知曰維
泮宮風化攸基竦其具瞻象神之儀藻井繪櫨絢兮承
式降陟有嚴是奉是翼匪土木之工職教攸則瞻彼戟
門有飛戾止斯輦煌煌五采屬纚鏘鏘八音粲目在耳
嗟爾後生無媿以誕無逸豫伴與遵我侯度以靖以獻
奉璋有莪伊侯之願

瞻學田土

田一萬三千六十六畝三角三十七步一尺五寸上岸
田四千一百二十五畝五十八步一尺五寸官湖田八
千九百四十一畝二角三十九步地六百一畝三角四
十九步山一萬二千二百畝二角三十二步河塗六百
一十七畝三角三十步

砂岸

石衙山

宜山

秀山

洋山

蝦康

蟹塗

烏沙

洋務

大嵩

大小塗

淫口

雙巖

杉木槎

新婦巖

石壇山

穿山團局

卓家岸

徐公山

沙角

鄞縣田一萬一千七百三十畝一角五十步二尺地一百五十九畝二角一十步山一萬一千四百六十七畝一十七步三尺

砂岸

奉化州田四百五十四畝一角二十七步一尺五寸地

三百九十畝二十四步山五百五十一畝三角四十二步

砂岸

昌國州田三十畝三角一十九步地八十三畝一角二步四十五寸山九十七畝三角一十八步三尺

砂岸

慈溪縣田五百五十三畝二角四十三步五尺山八十三畝三角一十四步

定海縣田二百三十三畝二角三十五步三尺地一十九畝一角二十四步

砂岸

錄事司地五畝三角二十六步三尺

紹興路蕭山縣田六十三畝二角四十二步歲收錢糧鈔中統鈔二百四十八錠二十九兩米二千一十石八斗五合一勺穀一千四百七十石七升八合七勺五抄魚鱉三百斤

鄞縣鈔中統鈔地租鈔中統鈔一錠一十四兩八錢二分
分山租錢中統鈔河塗錢中統鈔三錠七兩七錢二分
砂岸大嵩橫山中統鈔一錠四十兩米一千六百九十
石六斗二升九合二勺八抄穀六百八十三石九斗二
升九合七勺八抄

奉化州鈔中統鈔三錠四十五兩七錢地租錢中統鈔
三十五兩九錢山租錢中統鈔一錠二十九兩八錢砂
岸錢淫口雙畧中統鈔一錠三十兩米二石六斗二升

三合九勺穀五百六十三石五斗八升二合四勺七抄
昌國州鈔中統鈔二百一十八錠二十兩地租錢中統
鈔八兩山租錢中統鈔一十二兩砂岸錢中統鈔二百
一十六錠二十五兩魚鱖三百斤石衙中統鈔一百四
十錠魚鱖三百斤宜山中統鈔五十錠烏沙洋務中統
鈔三錠洋山中統鈔二十五錠內教授薛基任內經理
到二十錠教授吳廷獻任內增羨到山民陳端等租鈔
五錠

慈溪縣鈔山租錢中統鈔一兩米二百一十三石八斗四升六勺五抄穀一十三石二斗七升九合五勺

定海縣鈔中統鈔一定四十一兩三錢八分地租錢中統鈔一十一兩三錢八分砂岸大小塗中統鈔一錠三十兩內元租一錠二十兩教授吳廷獻任內增羨一十兩米六十五石六斗五升一合七勺七抄穀一百九十五石五斗八升七合

象山縣鈔中統鈔二錠四十四兩五錢地租錢中統鈔

四兩五錢砂岸石壇新婦墓杉木槿中統鈔二錠四十兩內元租二十兩教授吳廷獻任內增羨二錠二十兩錄事司地租錢中統鈔二錠一十六兩五錢內元租一錠三十八兩五錢教授吳廷獻任內增羨二十八兩紹興路蕭山縣米二十七石六斗二升

續置贍學田土租糧教授薛基任內買到田上岸田六十一畝二角二十一步鄞縣田五十五畝二角四步定海縣田六畝一十七步租糧米十四石六斗四升穀八

金匱要略卷十三
十石六斗九升鄞縣米二十四石六斗四升穀六十七石二斗三升定海縣穀一十三石四斗六升

屋宇

大成殿五間至大二年浙東海右道肅政廉訪副使趙公宏偉本路提調官治中呂巴延特穆爾教授蘇壇奉化州判官程時敏董其役乃合士友出金助之起建從祀廊二十二間至大二年教授蘇壇任內重建延祐六年教授吳廷獻重修

明倫堂在大成殿之後至元二十年史復伯以省命相
副教授目其庫陋湫隘首捐己資與在學儒人相與助
成為屋計三十六楹皇慶二年教授卓琰重修

齋舍景定年間居民不謹火近學宮郡守厲文翁用官
軍救護僅成德一齋不免隨即補蓋咸淳七年郡守劉
黻復明德齋為養正齋皇朝至元十九年浙東儒學提
舉司田希亮增達材育英兩齋通為十齋又數年復為
八齋扁本道廉訪副使侍其公君佐書東曰造道廣譽

上達成德西曰時升登賢成己養正列于兩廊延祐七年春教授吳廷獻重修

尊經閣在明倫堂後至元二十九年本道廉訪陳副使祥監治慶元屬教授蘇焱主其役敦勸儒人重建仍舊址也延祐七年教授吳廷獻復行修葺

儀門至元二十九年本道陳副使祥命學錄姜材之視工重建

賓序五間在泮水池東至元二十七年教授吳宗彥初

建即舊魁星樓基也皇慶二年秋教授卓琰修葺

養蒙堂在東夾廊之東至元二十八年教授吳宗彥奉
上司明文設立小學相副教授史復伯率族人以本族
五鄉碣序拜亭五間撥入本學建立扁曰養蒙堂庶訪
副使高公伯元書皇慶二年秋教授卓琰重修

先賢祠一所在尊經閣之左以奉鄉里先政達官有功
於學者皇慶二年秋教授卓琰重修

九先生祠一所在尊經閣之右以奉慶厯淳熙鄉達九

先生之祀前進士王應麟為之記

土祠在儀門東街之東大德七年教授趙孟節建延祐六年教授吳廷獻重行修葺裝繪神像

倉廩五間在泮水池之西至元十九年教授潘夢桂建皇慶二年秋教授卓琰重修

泮水池東西街宋咸淳中教授孔景行陳元亮以磚後易廢甃以石

學門三間在泮水池之外宋咸淳四年郡守洪燾重修

石牆自櫺星門東西至碑亭後元貞元年教授戴友建
櫺星門三座宋淳熙戊戌太守趙善湘教授黃一震建
延祐七年教授吳廷獻任內重修聖旨碑亭二所在櫺
星門裏之西元貞二年教授戴友建

教授廳舍三間在櫺星門裏西石牆內即教授西廳故
基至大四年教授卓琰重建延祐十年教授吳廷獻重
修

東廳舍三間在廳事之東至元十九年教授潘夢桂建

至大四年十月教授卓琰重建延祐七年教授吳廷獻
學正李慎重修

射圃宋淳熙元年宋孝宗頒義于天下魏王判府三年
冬度地築圃學宮之前凡六畝四十一步三分三釐五
毫有亭曰觀德校官虞汝翼記于石嘉定三年亭之南
北建屋二十三間收僦居之租寶慶二年校官方萬里
恐地久寢失疆界計其丈尺埋石以藏之紹興四年教
授陳松龍申府復故址建牆宇規模為之一新丞相申

國鄭公清之題扁今皆廢其地即今教授廳也

廳事一所在櫺星門裏延祐四年教授薛基扁曰明德
今為治事之所延祐七年教授吳廷獻任內重修
草庭一所延祐五年教授薛基建

東西牌門各一座

祭器

銅器二十一項

舊有七項

象尊二隻

犧尊三隻

罍洗四隻

龍勺七隻

爵二十四隻

大香爐一隻

小香爐一十箇

新置一十四項

太尊二隻

壺尊六隻

山尊二隻

著尊二隻

象尊四隻

犧尊四隻

豆八十二隻

簋一十五副

簋一十五副

龍勺八隻

中樣花瓶一副

大樣香爐花瓶一副

站四十七片

爵一百一十隻

奠盆五箇

鐵器

大香爐一隻

木器

組一百三十隻

豆一百三十隻

站三十片

竹器

籩六十二隻教授吳廷獻任內置到 篚箱五隻

幕布七片 拜席十三領

樂器

銅編鐘一十六口 石編磬一十六片

瑟二牀

琴一十張

笙二攢

鼓二架

塤六箇

篪二枝

簫二枝

祝一座

敔一座

搏拊二箇

鐘磬架二座

麾竿一條

琴瑟桌一十隻

鐘磬琴瑟匣一十五箇

碑刻一十座

重修學記一座

儒戶免役一座

先聖加號一座

重修大成殿記一座

學官題名一座

復洋山沙岸據一座

學校一座

先賢祠記一座

勿欺一座

隱德堂記一座

九經書板一千一百六片

不全

書籍

注疏九經五十七冊

互注九經一十六冊

大字四書一十一冊

不全

四書集成二十九冊

不全

四書纂疏二十一冊

春秋左傳一十六冊

南軒語孟說三冊

不全

東萊尚書解四冊

不全

詩緝一十冊

公羊穀梁傳七冊

論語集註九冊

周易本傳三冊

自序
晦庵語孟八冊

大學纂疏一冊

通鑑綱目二十三冊

不全

通鑑目錄一十三冊

通鑑精義二十一冊

不全

九朝通鑑二十五冊

紀事本末四十二冊

編年二十四冊

通鑑一百三十冊

續通鑑五十冊

北齊書一十五冊

南齊書二十冊

南唐書五冊

宋書六十冊

梁書二十冊

陳書一十冊

周書一十五冊

魏書六十冊

唐書六十冊

晉書五十冊

南史四十一冊

北史五十一冊

五代史二十五冊

讀史管見一十冊

張子西銘一冊

老子道德經二冊

周子通書二冊

莊子南華經五冊

韓文集一十九冊

周子太極圖二冊

元次山集二冊

濂溪大全集五冊

山谷集四十冊

東坡應詔集二冊

二蘇應詔集四冊

王文公集一十三冊

柳文集兩部共三十五冊

蒙齋文集九冊

不全

范文正公集六冊

不全

劍南續藁一十九冊

白氏長慶集三十四冊

渭南文集一十一冊

紫陽文集六十冊

東坡大全集二十七冊

杜詩一十二冊

麗澤詩集六冊

山谷詩註五冊

東坡詩註一十二冊

后山詩註三冊

大學衍義六冊

職官分紀一十二冊

論衡七冊

三朝言行錄五冊

朱子語畧五冊

四朝言行錄四冊

萬花谷二十冊

五朝元行錄三冊

續四朝元行錄四冊

姓氏辯證一十三冊

西山讀書記二部共四十四冊

讀書記一十五冊

不全

經濟奏議三十二冊

藝文類聚二十冊

宋朝文鑑三十七冊

孔白六帖一十七冊

續文章正宗八冊

事類合璧一十冊

不全

高學士祠堂記一軸

舊四明志書一十二冊

續四明志書六冊

抄籍儒人一千九百二十七戶

設官

教授一員 學正一員 學錄一員

鄞縣儒學

鄞縣學始創於唐元和九年其地在縣之東宋崇寧二年移于縣之西南後燬于建炎四年之兵嘉定十三年

邑簿呂康年以舊址陜隘有請于丞相史彌遠命郡守
俞建相地擇所以寶雲寺西不隸將威果指揮廢營更
之初禮殿設跪像然亦未大備寶慶二年尚書胡榘守
郡捐緡錢出楮券輟市舶之贏率里士之助經營有成
堂曰養正齋四曰習說曰辨志曰觀善曰敬業凡縣之
士肄焉至元十九年儒學提舉田希亮按治增置二齋
曰育英曰進德二十六年郡城災惟茲學巋然獨存二
十八年浙東道肅政廉訪副使陳公祥分治于明以舊

殿將圯徹而新之易跪像而坐焉塗墍丹雘增煥聿新
縣丞王公閏董其役至大二年正月復燬于火是冬縣
丞賈思恭以廉訪副使趙公宏偉之命一經營之縣尹
張繼祖繼之後同知張伯延成之

請杜醇先生入縣學書

王安石

人之生久矣父子夫婦兄弟賓客朋友其倫也孰持其
倫禮樂刑政文物數制事為其具也其具孰持之為之
君臣所以持之也君不得師則不知為君臣不得師則

不知為臣為之師所以共持之也君不知所以為君
臣不知所以為人臣之類其不相賊殺以至于盡者非
幸歟信乎其為師之重也古之君子尊其身恥在舜下
雖然有鄙夫問焉而不敢忽斂然後其身似不及者有
歸之以師之重而不辭曰天之有斯道固將公之而我
先得之而不推餘于人使同我所有非天意且有所不
忍也安石得縣于此踰年矣方因孔子廟為學以教養
縣子弟願先生留聽而賜臨之以為之師安石與有聞

金匱要略卷十三
馬伏惟先生不與古之君子者異意也幸甚

再書

惠書何推褒隆而辭讓之過也仁人君子有以教人義
不辭讓固已為先生道之今先生過引孟子抑宗元之
說以自辭孟子謂人之患在好為人師者謂無諸中而
為有之者豈先生謂哉彼宗元惡知道韓退之母為師
其孰能為師天下士將惡乎師哉夫謗與譽非君子所
卹也適於義而已矣不曰適於義而唯謗之卹是薄世

終無君子唯先生圖之示詩質而無邪亦足見仁人之
所存甚善甚善

重修學記

王應麟

鄧在漢為鄧屬會稽郡唐屬明州建夫子廟于縣東五
代改鄧曰郡宋始立學王文公安石宰縣因廟為學教
養縣之子弟風以詩書衣冠鼎盛後遷縣西南兵燹久
未復主簿呂康年請於郡相舊址初禮殿設跪像堂曰
養正為齋者四至元十九年增二齋二十六年郡城災

茲學歸若魯靈光斯文未墜道其泰乎二十八年濟南
陳公祥為肅政廉訪副使分治于明崇庠序之教明年
新郡學顧邑校風摧雨圯懷楹將壓殿雖更坐像庠陋
未合古制爰命撤舊宇而新是圖夏六月鳩工經始規
模崇閎視昔增煥縣尹張君孝安提其綱丞王君閏捐
祿米以助主簿任君謙亦贊畫焉多士競勸佐厥費事
鉅用不給檄縣以義役租續之揭石為門六扇有伉掄
材為殿隆棟翬飛清池泱泱芹蓀春意自堂及序以次

繕修實惟禮樂之使居德善俗啟迪化原以恢宮牆之
壯觀縫掖來遊誦公教澤永無斁始教諭趙必燮庀役
未克就嚴得桂繼之出私索帥先吳應酉聯事協力既
成請識石章應麟居是邦不敢以耄疾辭惟古者百里
有師教以道藝孝弟仁義斯民也三代所與共學也閭
為左右塾黨以正齒位時會于州序去民愈近施教愈
密自武城弦歌弗聞急繭絲而緩教化先政刑而後詩
禮若密令舉善而教新城長延聚生徒何其寂寥哉無

以表倡之也我思古人有行部先即學宮見諸生試論
有行縣學宮處士執經對講誰其嗣之賢使者新斯學
也豈徒媿宮室云爾將新士以新斯民也昔鄧有杜先
生醇學行望一鄉縣大夫再書然後起其書謂斯道我
先得之必推餘于人願賜臨以為之師其自重難致如
此師道立善人多淵源有自為師者盍以為法乎鄧士
漢世僅一見虞仲翔之言可考也陸士龍稱鄧之俗禮
節恭謹蓋素履行願修其天爵是為入德之基進道之

階自學校之建峻彥興起鄉先生前後九人其四出于
鄞皆以忠信為本踐履為實仰高蹈景其人若存為士
者不自勉乎師知所以教士知所以學朝而受業晝而
講夕而復習思無愧于儒之名前哲有云學所以學
為人學為君子學為忠與孝也服膺三言是訓是行化
海瀕為洙泗以一邑為天下式將自吾鄞始謹書其事
誌夫數學者式克用勸三十年秋八月壬寅前進士王
應麟記

鄞縣重建學記

袁楠

卷十三

粵昔空虛固陋之學淪于人心言理者人人殊師記問者質而不化辭章篆刻滅裂六藝糜爛而不可救師儒有憂之據道德性命之要毫分縷析鑿鑿乎其不可相紊也繇是士得以一其視聽皇王之道復興于千數百年之後可謂盛矣世祖皇帝混同區夏崇學校定國子學成憲皆東南儒先而朱文公所說咸取以為經史模楷於是窮徼絕域中州萬里之內外悉家有其書然而

急近功者勦取其近似以為口耳之食天人禮樂損益
消長切於施為所宜精思而熟考者一以為凡近迂緩
而不講至于修身養心或相背戾而不相似則緣飾儼
默邇之莫有窺其渙際夫明絕學以承先聖之統可謂
難矣弊生于簡易守其說而湮其本將不勝其弊載籍
甚博莫嚴於五經教人之法莫詳於三物揚子雲云丘
陵學山而不至于山惡夫畫也今州郡悉置廟學莫
謁講說循襲條制而職教之道似若有未修焉者鄭舊

有學王公安石為宰時延會稽杜先生醇教之學者
輩出至大二年郡大火學燬之主邑之學曰孔文雋董
儒金始建講堂禮殿未完而去皇慶二年三衢姚熙載
實來是歲天子下科舉詔同知郡事吳郡張伯延顧瞻
陋蕪首曰其何以稱上意乃率郡官而助之邑令梅君
遇春丞簿龐君滋范君祐咸曰吾長于是茲役曷可緩
嚴工庀程戒隸業者咸輸以佐閱二年夫子像成侑從
有序門廡庖庾塗牆繚繞之屬堅密精桀學宮之制完

且具矣姚君乃曰鄞號多士昉杜先生宜作先賢祠以
祀鄞士之興其自今始乎嘗謂學校宮室循行風俗之
使者未嘗不督厲修繕獨教法未定雖聰明自任獨不
敢高下以議今明詔四出郡侯首創其原姚君又能推
本前人尊師之旨深有所寓掄雖官朝廷因姚君之請
知張侯之美遂以學校之弊首叙其說庶幾吾里之秀
士其強敏自修者詢考者哲篤行于顯微內外之實文
質交資上承詳延將以復乎昔時衣冠之盛則姚君之

闡微猶昔賢勸道之意也庸刻于石願有以俟焉延祐元年四月十六日記

又

延祐元年楠記興造矣甫一記職鄞學者括蒼林君傳以事狀來元昔之經度踰於舊址廩入不給故其結構塗墍缺焉未周鄞之尹曰阮君周翰治縣未幾有恪殿謁首以興繕為急割俸以勵儒生於是步履有覽繚繞垣墉礱以密石華以堊丹象設有嚴講席齋廬足以稱

絃誦而從祀一百有五悉易以塑合儒先之宜祀者為
祠以庇少間曰既完矣盍廣教以振士類立小學師二
人而增弟子員凡五十人泰定三年二月朔告成復命
原闕

從祀廊屋

東西各
九間

趨廊

東西各
二間

樞星門三座

泮池

泮橋

土祠一間

講堂三間

扁曰
養正

東西過廊各三間

舫齋三間

習說齋三間

育英齋三間

觀善齋三間

辨志齋三間

敬業齋三間

進德齋三間

養蒙堂三間

以上皆燬于
至大二年

田產

元管田七百一十八畝三角三十七步五尺地二十畝
三角四十五步魚蕩一所

續收田一十畝

陳學正
捨到

錢糧

米元收一百五十四石三斗七升一合九勺增收三十

二石三斗五升

鈔中統鈔一十九兩

基地一十五畝二角四十五步

祭器

木爵一十五隻

籩七十八隻

豆三十二隻

坩一十九片

俎二十五

木勺二箇

幣箱五隻

簠一十隻

簋一十隻

篚七隻

抄籍儒人三百三十五戶

設官

教諭一員

奉化州儒學

州學州東二百步宋景祐中邑令于房廣夫子廟以立學宮治平初令裴士堯遷廟學州東久而圯宣和初令周因重建燬于建炎至紹興九年令宋葵復建久又圯慶元二年邑士汪伋徹大成殿及門廡一新之鄉之好義者與協力而募訓堂東西六齋成至元二十年堂以颺仆復建明年新兩廊儀門主維者令李天益也至元

二十九年丁縣尹濟初養正堂教育小學延祐六年知
州馬稱德到任復修建學宇增廣田土計田六百四十
三畝二角四十步地三十二畝二角一十八步山二千
二百六十二畝一角四十四步

贍學田土

田一千二十三畝一角八步地一百六十一畝一角五
十一步山四千六百五十六畝三角三十三步

歲收錢糧

鈔中統鈔一十九錠四十兩七錢五分絲一百三十五兩九錢重小麥七石二斗八升烏豆五斗米三十四石一斗六升白米一十八石五斗二升紅米一十五石六斗四升穀一千四百三十二石一斗四升八合

屋宇

櫺星門三座

東西門二座

學門一座

儀門三間

大成殿三間

從祀東西廊各六間

朱文公祠堂一間

三先生祠堂一間

六齋六間

彝訓堂五間

養正堂五間

覺後堂三間

參前亭一所

土祠一間

倉屋五間

公厨一間

小學果行育德二齋各三間

堂後軒五間

樂器

知州馬奉議資遣儒人往
蘇杭收置教請樂師教習

編鐘一十六口

編磬一十六片

備磬四片

琴一十張

瑟二牀

笙四攢

鳳簫二架

管簾共四枝

搏拊二箇

祝一座

敔一箇并座

塤二箇

備塤四箇

鐘磬條三十六條

瑟朱絃五十條

琴絃五十條

搏拊條二條

流蘇條四條

流蘇綠油鈹蓋二十箇五色線二十兩重

瑟上鴈柱五十箇

琴軫足一十副

鐘磬架二座

龍頭四箇

羽孔鵲一十箇

羸屬羽屬四箇

瑟匣二箇

鐘磬匣八箇

琴瑟卓六張

鐘磬枕槌六件

抄籍儒人六百五十七戶

設官

學正一員

昌國州儒學

學舊在州東一百步宋熙寧八年縣令張懿文建元祐七年簿尉顧復經又徙而東四十步淳熙十二年令王沆徙于丞廳之南後未竟去官令錢棟維其事嘉定甲申令趙大忠葺治增益袁正獻公燮記云

闡斯道之奧發是心之良而輔成國家之風教者其惟學乎夫學之于人猶食之有穀粟猶衣之有桑麻也豈

可一日闕哉四明之有昌國海中一島也厥地狹矣而
士生其間俊敏逸羣修潔自將者時時有之其實美矣
加以切磨培植之功孰能而禦之前乎此非無賢令尹
也而教養一事多闕而不備豈不知當務之為急哉其
興若廢與兵刑財用不同非有朝家之威命大吏之督
責姑徐徐焉未見其獲戾故雖有所興為不過一二焉
而止此其勢然也若夫發于誠心無所畏慕而自為之
其度越他人顧不遠哉今承議郎趙侯清獻公之裔孫

也典刑猶在喟然興嘆曰事豈有不可為者哉力或不足痛節冗費可也檢梃吏奸毋俾滲漏可也義所當為勇于必為可也士有餘力資以為助可也如是而後其用足矣左之右之莫不如志而建學之規模在其中矣或因其故而葺治之或創于今而增益之曰殿曰堂屹然中居曰齋曰序翼然旁列門庭由是壯焉像設由是崇焉祭器祭服由是作焉廩廩以儲之垣墉以衛之承學之士皆得優游涵泳其中而又課焉試焉以警勵之焉

飛魚躍咸受其賜無有終極可不謂盡于其職乎且南安一小郡耳而東坡蘇公記學之成稱其甲于江西禮殿講堂視大邦君之居典領得人能使其居官此理固然也今侯之所為其亦若是也夫雖然侯之設心非獨茲事也嚴祈報之典則冢土是崇卹窮乏之民則委積是豐戶籍之要所以窒欺偽也海步之就與夫嶺路之夷又所以便往來也凡有並于民者是究是圖如恐不及矧為禮義教化之宮其汲汲也宜如之何侯名大忠

三衢人擢進士科居官所至可紀無忝厥祖矣余是以深美之

大成殿三間自遷學後殿宇頽圯宋淳祐丁未

令沈叡重建記

王應麟

淳祐紀元之六年聖上首善崇化以風四方綠字穗書敷賁雖類庠聲序音丕冒出日昌國大夫沈叡始至謁校宮時禮殿之建適六十禩年矣朽蠹弗葺諸生進而言曰學肇基于縣治之東淳熙間王令沅遷于芙蓉洲

西挹秀涵清氣勢閎偉俊人魁士含章挺生道原文脉
實繫茲殿盍鼎新之對敬雲漢作人之休德君曰承流
宣化職也敢不祗若嗇用鳩工士懽趨之參預應公嘉
其意諗帥守顏公佐以郡少府錢經始于明年暮春越
季夏殿成般爾獻公枚枚奕奕貌象惟肖如臨沂泗侑
坐綴食端章儼赫陟降庭止式禮莫愆冠進衣縫瞻儀
興敬觀摩麗習文風藹如明年君入監左帑相與祠于
學既十年諸生思之請著石章應麟鄭求學也辭弗獲

嘗讀臨之象曰君子以教思無窮夫澤上有地猶君子之近民也近民則教彌數故周官族閭之讀法視州黨尤密今之學郡修而邑弛為吏者政急而化緩期會訟獄日鯁鯁畏百適慮不越几案而夫子宫牆漫不省健者舞知怠者視蔭弁髦武城蒲密之言而諉曰難治教化不明醇澆朴散治不愈難歟然非獨今日也漢東京儒雅最盛令長垂意學校者惟宋均楊仁者著于傳何其寂寥哉沈君能急所緩喟然興於學可謂知本矣昔

孔子慨道不行託興於浮海是邦近天子之光家詩書
人孝弟吾道其行矣乎縣大夫雖不得宿其業以候道
化之成後之君子勿替引之率時髦士規聖矩賢母以
小成自畫學必正大志必高明言必仁義行必篤敬進
而經綸天下之大經退而居賢德善俗俾耆老縉紳顧
瞻楹桷肅然改容曰此賢令教思之德也將見立于朝
者為臯稷入其里者比鄒魯尚當墨筆以頌化民成俗
之功云

講堂宋嘉泰三年令葛洪建扁曰申義參政樓公鑰書申義堂三大字并為之記云

東陽葛容父洪為昌國令葺縣庠之講堂名曰申義求書其扁余喜葛君知政之先務又樂其名之佳既為之大書矣又欲為之記余分教永嘉時作序齒文以示諸生其略曰孔子稱甚矣魯道之衰也洙泗之間斷斷為相遜孟子曰謹庠序之教申之以孝悌之義頒白者不負戴於道路矣夫洙泗之間行者相遜何以為魯道之衰謹庠序之教

何與於道路之負戴者及究其說漢地理志云魯瀕洙泗
之水其民涉渡幼者扶老而代其任俗既益薄長老不自
安與幼者相遜也徐廣文曰蓋幼者患苦長者長者忽愧
自守故斷斷爭辭故以為哀也想其盛時老者晏然為父
兄之役子弟無復相遜夫子所謂老者安之殆為此也孟
子亦謂孝弟既申則頌白負戴少者自當代之噫後世教
養士子以科舉得人之多寡為庠序校之盛衰者與古意
豈不遠甚昌國甬東也民以漁鹽為業近世儒風日興

而猶未盛葛君崇教化以善其俗一聞余言則曰此名堂之本意也始余從弟鏞尉東陽而歸余啟得人之問以容父為稱首茲為鄉邑治聲固已卓然又將興學化民以幾古人之意誠非文法吏所能為者齊變至魯魯變至道顧不在茲乎鏞既為之記而命鏞弟題其上越明年慈湖先生楊簡復記於其後嘉泰四年春昌國葛令君訪簡于慈溪石魚對語從容及邑學忽作而言曰名學之堂以申義願簡申之簡欣然奉命令曰此人心

所自有惟申而明之爾簡於是邑喜令言至當厥明叙而書之孔子曰人者天地之心又曰心之精神是謂聖孟子亦每每道性善又曰人人心也大哉斯言蓋萬世人心所自有之靈人孰不愛其親有不愛其親者非人也人孰不知徐行後長有不後于長者非人也此人所自有也不學而能也不慮而知也心之精神是謂聖果如吾聖人之言也其有不然者非其心之罪也惟民生厚因物有遷感於物而昏也心之象神無方無體至靜

至虛明有變化而無營禹曰安汝止明其本靜止也舜
曰道心明此即道也夫孝天之經地之義人之行事親
事長乃天地之心列聖之道可不自知所敬乎

重修學記

青社韓侯莅是州踰年顧瞻學宮頽圯日至喟然嘆曰
化民成俗必自學始爰相厥攸鈎稽逋負治其島租墾
其閒田完整是先泰定元年十月甲子役興用工二千
有八百計緡錢二千有五百匠石日食之費則諸生欣

翰以助於是殿堂門廡齋庖池徑咸得備具謂桷絲翰
苑歸俾記其事桷嘗聞之先儒以明理為綱領譏詆漢
唐不少假濫洛之說盛行誠敬忠恕毫分縷析一以體
用知行槩而申之繇是髫髻之童悉能誦習高視闊步
轉相傳授禮樂政刑之具獄訟兵甲之實悉有所不講
哆口避席謝非所急言詞之不二則曰吾何以華藻為
哉考覈之不精則曰吾何以援据為哉吾唯理是先唯
一是貫科舉承踵駸駸乎魏晉之清談疆宇之南北不

接乎視聽馴致社亡求其授命死事率非昔時言性理之士後之學者寧勿置論而循其故習者哉昌國惟四明海中州士之興起自紹熙始著樓宣獻公袁正獻公楊文元公尚書深寧王公嘗記其建學論堂之本始揚雄有言曰百川學海而至于海蓋喻者也首之以訓詁之精次及夫名物度數之密由小成至于大成非積年不能以至州官三物之教詎止執一而以為傳道之要殆不可也委流安行由蹇而達訖歸于海學之功也侯

名搏字仲舉既興其學迺復儒學以為大比之勸學之士子寧不自勸敢執筆以俟是役也州之長布延托噶同知黃棟孫判官張信吏目陳益州學正孫恕皆贊叶其事泰定二年二月癸卯具官袁桷記

齊舊有四造道進德存心成性至元壬午本學申請于提舉司添置兩齋曰明善曰立禮其實析四齋之屋為之

小學學東廡之南舊名親仁齋歲久不治元貞乙未州

判官馮福京重行修葺扁曰育德堂專以為訓蒙之所
請鄉之耆宿郭薦應季挺任教導焉

臺門舊有五間圯壞久矣至元甲申重建攝教應季挺
實董其事改扁州學二字

櫺星門舊植六柱啟六扉歸附後門遂不存元貞元年
州判馮福京重建存禮制也

祭器舊所存者歲久剝弊簡陋弗完宋進士趙若諫
訂禮經參以紫陽朱子釋奠圖更視他學稍整今多

損缺未有能新之者

籩六十

豆九十

簋三十三

簋三十二

篚五

爵三十八

尊五

杓七

坫二十六

奠盆十五

罍二

洗二

冪巾七

几十二

黃絹帳

燭臺二

木櫟一百二

禮服

禮冠十

禮服十

中簞十

珮十

錢糧田土

舊管水田五百九十三畝四十五步二分園地山地柴
山一千一百三十二畝三角四十七步砂岸三所屋二

金匱縣志卷十三
座坊基四所

舊收米二百二十一石一斗六升六合穀四石錢九百一十二貫六百八十七文十八界田地園山舊誌無畝步郎孝祥沒官業係續添

見徵米折省斛米一百五十九石七斗六升三合七勺五抄穀二十七石四斗二升二合小麥折省斛三十九石八斗五升八合六勺五抄長短礮巖租錢中統鈔一

十錠

上項租鈔舊無之始於元貞二年馮州判經理

屋宇

大成殿三間

講堂三間

造道進德存心成性四齋共八間

儀門三間

從祀廊屋一十間

祠堂一所

公廚一所

抄籍儒人五十戶

設官

學正一員

延祐四明志卷十三